



Broje: Ž-SA-04-891/15

Datum: 18.02.2016.godine

P-27/16

KANTON SARAJEVO

Ministarstvo za obrazovanje, nauku i mlade

n/r ministra

Ulica Reisa Džemaludina Čauševića 1

71 000 Sarajevo

PREPORUKA

I. Uvod

Institucija ombudsmena za ljudska prava Bosne i Hercegovine (u daljem tekstu: Institucija ombudsmena) tokom 2014.godine i 2015.godine zaprimila je veći broj žalbi koje se odnose na član 17 stav 1 *Pravilnika o kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovma na području Kantona Sarajevo*¹ (u daljem tekstu: Pravilnik).

Žalbeni navodi, kao i u nekim od predmet prije zaprimljenih u Instituciji ombudsmena, odnosili su se na preporuku Institucije ombudsmena P-323/14 kojom se ukazalo na razloge i značaj revidiranja pomenutog člana Pravilnika.

II. Činjenično stanje i istražni postupak

U vezi predmeta Ž-SA-04-891/15 Institucija ombudsmena je aktom od dana 02.12.2015.godine tražila izjašnjenje u vezi sa poduzetim aktivnostima. Kako odgovor nije uslijedio, dana 20.01.2016.godine Institucija ombudsmena je uputila urgenciju Ministarstvu, međutim ni na taj akt odgovor od Ministarstva nije zaprimljen.

¹ „Službene novine KS“ broj: 03/13

III Relevantno zakonodavstvo

Zakon o ombudsmenu za ljudska prava Bosne i Hercegovine²

Član 1.

1. Ombudsmen za ljudska prava Bosne i Hercegovine je nezavisna institucija uspostavljena u cilju promovisanja dobre uprave i vladavine prava, zaštite prava i sloboda fizičkih i pravnih lica, kako je zajamčeno posebno Ustavom Bosne i Hercegovine i međunarodnim sporazumima koji se nalaze u dodatku tog Ustava koja će s tim u vezi nadgledati aktivnosti institucija Bosne i Hercegovine, njenih entiteta i distrikta Brčko, u skladu sa odredbama ovog Zakona.

IV Obaveza saradnje sa Ombudsmenom

Član 25.

1. Organi vlasti u Bosni i Hercegovini obavezni su Instituciji pružiti odgovarajuću pomoć u istrazi i vršenju kontrole.

2. U vrijeme istrage ombudsmen ima pristup bilo kojem organu vlasti u Bosni i Hercegovini u cilju provjere traženih informacija, obavljanja ličnih razgovora i razmatranja potrebnih spisa i dokumenata.

3. Ombudsmenu ne smije biti odbijen pristup spisima ili administrativnim dokumentima koji se tiču aktivnosti ili djelatnosti koja je pod istragom (...)

V ODGOVORNOST ORGANA VLASTI I ZVANIČNIKA

Član 31.

1. Ako neprijateljsko ponašanje ili stav koji ometa istragu ombudsmena potiču od organa vlasti u Bosni i Hercegovini ili njenih službenika, to može biti predmetom specijalnog izvještaja i bit će pomenuto u odgovarajućem dijelu godišnjeg izvještaja.

² „Službeni glasnik BiH“ broj: 19/02, 35/04, 32/06

2. Kada neki službenik iz organa vlasti u Bosni i Hercegovini ugrozi istragu tako što odbije dostaviti dokumente koje je zatražio ombudsmen, ili zanemari dostaviti takve dokumente ili uskrati ombudsmenu pristup administrativnim spisima ili dokumentima neophodnim za istragu, ombudsmen će poslati relevantni spis osobi nadređenoj tom službeniku ili nadležnim organima tužilaštva za odgovarajući disciplinski ili krivični postupak koji će se provesti u skladu sa zakonom.

3. Kada nadležni organi vlasti u Bosni i Hercegovini propuste preduzeti radnju, ombudsmen može, umjesto tog organa pokrenuti disciplinski postupak protiv odgovornog službenika ili, tamo gdje je to potrebno, pokrenuti krivični postupak pred sudom.

VI PREPORUKE

Član 32.

1. Ombudsmen može dati preporuke organima vlasti u Bosni i Hercegovini

VII Zaključak ombudsmena

Institucija ombudsmena ustanovljena je između ostalog u cilju promovisanja dobre uprave i vladavine prava. Ovom prilikom Ombudsmeni sa aspekta svojih nadležnosti ustanovljenih *Zakonom o ombudsmenu za ljudska prava Bosne i Hercegovine*, ukazuju na to da su organi u postupku dužni postupati na način kako je to propisano Zakonom.

Za uspješno funkcioniranje Institucije ombudsmena od posebnog je značaja izgradnja dobrih odnosa između Institucija u Bosni i Hercegovini i Ombudsmena. Ovi odnosi podrazumijevaju i podršku Institucija u Bosni i Hercegovini na način da se saradnja sa Institucijom ombudsmena realizira na način propisan zakonom, preporuke Ombudsmena prihvate i ispoštuju na svim nivoima vlasti, bez ikakvog uvjetovanja.

Ministarstvo u konkretnom slučaju nije postupalo u skladu sa odredbama *Zakona o ombudsmenu za ljudska prava Bosne i Hercegovine* i to tako što je ignoriralo akte odnosno zahtjeve


Institucije ombudsmena. Nepostupanje po aktima, zahtjevima Institucije ombudsmena predstavlja kršenje Zakona.

Uzimajući u obzir naprijed izneseno, Ombudsmeni Bosne i Hercegovine, shodno odredbama člana 32. *Zakona o Ombudsmanu za ljudska prava Bosne i Hercegovine*, donose:

PREPORUKU MINISTARSTVU

1. da odmah po prijemu ove preporuke Ministarstvo uspostavi saradnju sa Institucijom ombudsmena na način propisan *Zakonom o ombudsmenu za ljudska prava Bosne i Hercegovine*, dostavi traženo izjašnjenje;
2. da u roku od **10 (deset) dana**, od dana prijema ove Preporuke obavijesti Ombudsmene o načinu ispoštovanja ove preporuke.

Ombudsmeni Bosne i Hercegovine



Mr. sci. Jasminka Džumhur

Nives Jukić

Dr. Ljubinko Mitrović

Prilog: fco. akta Institucije ombudsmena od 02.12.2015.g

fco. urgencije Institucija ombudsmena od dana 20.01.2016.godine

Dostavljeno:
1 x naslovu
1 x stranci
1 x u spis